

Շոգովուրդ

58
(2908)

26 ապրիլի ուրբաթ 2024
տպագրության ԺԳ տարի

✉ ք. Երևան, Արմավյան 22ա/3 (0010) ☎ +374 10 546423 @ info.armlur@gmail.com, info.zhoghovurd@gmail.com

100 դրամ

ԳԵՆԱՑԵԼ Է ՂԱՆԲԱՅԻՆ ՏՐԱՄԱԴՐՈՒԹՅՈՒՆԸ «ՍՏՈՒԳԵԼՈՒ»



Վարչապետի տիկին Աննա Հակոբյանը Գյումրիում ԶԳ-ի առջև ծառայած հարցերն ու խոչընդոտները լուծելու գործն իր վրա է վերցրել:

Երեկ հայտնի դարձավ, որ վարչապետի տիկինը գնացել է Գյումրի: ArmLur.am-ը տեղեկացրել էր, որ Աննա Հակոբյանը Գյումրիում 44-օրյա պատերազմում նահատակված հերոսի հիշատակին նվիրված խաչքարի բացմանը մասնակցելու էր գնացել:

«Շոգովուրդ» օրաթերթին նոր մանրամասներ են հայտնի դարձել Հակոբյանի՝ Գյումրի այցից:

Այսպիսով՝ տեղեկացանք, որ վարչապետի տիկինը այցն իրականում քողարկված քաղաքական նպատակ է ունեցել:

Բանն այն է, որ որքան էլ ԶԳ-ականները ցույց են տալիս, թե իրենք Գյումրիում իշխանությունն «իրենցով անելու» մտադրություն չունեն, ղեկավարությունն այնտեղ հեշտ ու հանգիստ զիջել են «Բալասանյան դաշինքին», իրականում, ԶԳ-ականներն անհանգիստ են:


Բանն այն է, որ Գյումրիում հասարակության դժգոհությունները Փաշինյանի իշխանությունից գնալով խորանում են. հատկապես վերջին օրերին այնտեղ պարբերաբար ակցիաներ են տեղի ունենում, բնակիչները ճանապարհ են փակում, վերջերս էլ գյումրեցիները Նիկոլ Փաշինյանին էին շատ «ջերմ» ընդունել Գյումրիում:

ԶԳ-ականներն էլ լուրջ մտավախություն ունեն, որ Գյումրիում կրքերը կարող են օրըստօրե թեժանալ, իրավիճակը կարող է ցանկացած պահի իրենց վերահսկողությունից դուրս գալ. Շիրակի թեմի առաջնորդ Միքայել Աջապահյանին էլ լուրջ «վտանգ» են համարում արդեն իրենց համար:


Ու, քանի որ, այնտեղ իշխանությունն իրենց ձեռքին չէ, եւ անհրաժեշտության դեպքում իրենց մեթոդներով չեն կարողանա զսպել լարված մթնոլորտը, ահա Աննա Հակոբյանը այս կարեւոր «առաքելությունն» իր վրա է վերցրել:

Մեր տեղեկություններով՝ երեկվա նրա այցը Գյումրիի նպատակ է ունեցել նախ «ստուգել» հանրային տրամադրությունները, բացի դրանից՝ իր ազգականի՝ Գյումրու նախկին փոխքաղաքապետ Վահագն Մկրտչյանի միջոցով նաեւ ԶԳ-ի համար որոշ հարցեր լուծել: Հաջողվել է դա, թե՛ ոչ՝ ժամանակը ցույց կտա:

Հանրապետության նախագահի աշխատակազմը նախագահին սպասարկող մեքենաների համար ձեռք է բերել 216 հազար դրամի LED լույսեր՝ 36 հատ: 36-ից երեսունն արժեքով է 144 հազար դրամ, իսկ 6-ը՝ 72 հազար դրամ: LED լույսերի տեխնիկական բնութագիրը հետևյալն է. «LED լուսարձակ, հզորությունը՝ 30W, լուսային հոսանքը՝ 2700 լյումեն, սնուցման լարումը՝ 100-240V»: Լուսարձակների ձեռքբերման պայմաններից մեկը գնորդին հանձնելու ժամանակահատվածն է: Եվ, ըստ դրա, լուսարձակների կեսը պետք է մատակարարել պայմանագրի ուժի մեջ մտնելուց 40-րդ օրը, իսկ մյուս կեսը՝ սույն թվականի սեպտեմբերի 1-ին: Նախագահի աշխատակազմը հաճախ է գնումների պայմանագրեր կնքում մեքենայի տեխնիկական սպասարկումների հետ կապված: Այս անգամ մեքենաների տեխնիկական սպասարկումը ՀՀ նախագահի համար արժեքով է 5 մլն 400 հազար դրամ: Այս սպասարկումը արվել է 7 մեքենայի համար: Սեփական մեքենաների վրա միլիոններ ծախսող նախագահը Նշված մակնիշի մեքենաներով, չգիտես, թե ուր է այցելում, սակայն դրանց վերանորոգման համար աճուրդները, ինչպես տեսնում ենք, «խոստումնալից են»: Հավելենք, որ տեխնիկական առումով ՀՀ բյուջեով սպասարկվող մեքենաներով նախագահը մեկ անգամ չայցելեց փողոցում ապօրինի բերման ենթարկվածներին, իր ոչ մի խոսքում չհիշատակեց նրանց մասին: Սա էլ ՀՀ-ում ԶԳ-ականների «սրտի» նախագահը:



Օրեր առաջ պարզ դարձավ, որ Հայաստանի ամենահայտնի քաղաքացի, Իտալական «Ինտեր»-ի կիսապաշտպան Հենրիխ Մխիթարյանը դարձավ Իտալիայի չեմպիոն. սա իսկապես պատմական իրադարձություն է նաեւ հայերիս համար: Մեր ֆուտբոլիստի լուսանկարը բազմաթիվ միջազգային լրատվամիջոցների առաջին էջերին էր, մեծ ուրախություն էր նաեւ սոցցանցերի հայկական տիրույթում: Տարօրինակն այն է, որ այս մեծ իրադարձությունից անմասն մնաց Հայաստանի ֆուտբոլի ֆեդերացիան, որը, մինչևե երեկ, նույնիսկ իր ֆեյսբուքյան պաշտոնական էջում կամ կայքում մեկ խոսք անգամ չգրեց այս իրադարձության մասին: Սա իսկապես, մեղմ ասած, տարօրինակ է. նորմալ երկրում Հենրիխ Մխիթարյանին կշնորհավորեին ու նրանով կհպարտանային՝ սկսած իշխանության բարձրագույն օղակներից: Ամեն պատեհ ու անպատեհ առիթով «ստատուս» գրող իշխանավորների շրջանում եւս չնկատվեց որեւէ շնորհավորական խոսք կամ գրառում: Պատկերացրե՛ք՝ հիմա ինչ կանեին ադրբեջանցիները, եթե Հենրիխ Մխիթարյանի գոնե կես մակարդակի ու ճանաչելիության չափ ֆուտբոլիստ ունենային. վստահաբար՝ Բաքվի գլխավոր փողոցներում կլինեին նրա լուսանկարները, Ալիեւն անձամբ կդիմավորեր նրան ու կշնորհեր «Ազգային հերոսի» շքանշան: Ի դեպ, մեր հարեւան Վրաստանում հաճախ կարելի է տեսնել իտալական «Նապոլի»-ի հարձակվող Կվինցա Կվարացիայի դիմանկարները. պետությունը նրան օրինակ է բերում նոր սերնդի համար ու ամենուր քարոզում է իր մարզիկների հաջողությունները, նրանց դարձնում է երկրի այցեքարտ: Իսկ մեր պարագայում գործ ունենք հերթական նեղ անձնական ամբիջիաների հետ: Ի դեպ, թեման ուսումնասիրելիս մեզ հայտնի դարձավ, որ ՀՀԳ ղեկավարությունը չի շնորհավորել նույնիսկ լեգենդար «Արարատ 73»-ի հաղթանակի 50 ամյակի կապակցությամբ: Այս մասին տեսանյութից մեկում Նշում է լեգենդար թիմի մարզիչ Նիկիտա Սիմոնյանը: Ավելին՝ ՀՀԳ մեր աղբյուրները պնդում են, որ շրայլ ծախսերով աչքի ընկնող ֆուտբոլային չինովիկները նույնիսկ չեն օգնել ծանր հիվանդությամբ տառապող, երջանակահիշատակ Նիկոլայ Ղազարյանին, ով ոչ միայն «Արարատ 73»-ի լեգենդներից էր, այլև ՀՀԳ առաջին նախագահը: Այս մասով պարզաբանում ստանալ, ինչպես միշտ, չհաջողվեց, քանզի ՀՀԳ-ի ներկայիս ղեկավար ու նախկին լրագրող Արմեն Մելիքեյանը խուսափում է լրագրողների հարցերին պատասխանելուց: Ի դեպ, միայն ԿԳՄՍ փոխնախարար Կարեն Գիլոյանն էր իր ֆեյսբուքյան էջով շնորհավորել Մխիթարյանին:



Ծնվեց, քայլեց, պաշտոնյա դարձավ. եթե Հուլիոս Կեսարի՝ «Եկա, տեսա, հաղթեցի» հանրահայտ ասույթի ոճը տեղադրենք մեր օրերի ԶԳ պաշտոնյաների գերակշիռ մասի կենսագրություններում (տե՛ս լուսանկարը ArmLur.am կայքում), կտեսցվի, որ անձինք, չունենալով աշխատանքային որեւէ կենսագրություն, անցյալ, ստեղծած արժեքներ, իրենց այսօրվա բարեկեցության եւ զբաղեցրած պաշտոնների համար պարտական են բացառապես Նիկոլ Փաշինյանի իրականացրած իշխանափոխությանը: Օրինակներից մեկը Նուբարաշեն վարչական շրջանի ղեկավարի նորանշանակ տեղակալն է, որը մինչևե «բաղձալի հեղափոխությունը» ոչ մի րոպե չի աշխատել որեւէ վայրում, թե՛ ավարտել է դպրոց եւ 8 տարի ուսանել է Գավառի պետական համալսարանում: Ահա՛, Նիկոլ Փաշինյանի կադրերի ընտրության պատկերն է:

ԻՐԱՎԻՃԱԿ

ՍԱՀՄԱՆԱԶԱՏՈՒՄ

ՏԱՎՈՒՇԻՑ ՄԿՍԵԼԸ ԲԱՔՎԻ ԱՌԱՋԱՐԿՆ Է ԵՂԵԼ

ԹԱՎՐԻԶՈՒՄ ՀՀ ՀՅՈՒՊԱՏՈՍՈՒԹՅՈՒՆ ԿԵԱՑՎԻ

Հայաստանի կառավարությունը Իրանի Թավրիզ քաղաքում գլխավոր հյուպատոսություն բացելու որոշում է կայացրել: Ինչպես հաղորդվում է, Թավրիզում գլխավոր հյուպատոսություն բացելու հարցն ընդգրկված էր Հայաստանի Հանրապետության կառավարության նիստի օրակարգում՝ չգեկուցվող հարցերի փաթեթում:

Հիմնավորման մեջ նշվում է, որ 2022 թվականին Հայաստանի Հանրապետության վարչապետը և Իրանի Իսլամական Հանրապետության նախագահը պայմանավորվածություն են ձեռք բերել Հայաստանի Հանրապետության և Իրանի Իսլամական Հանրապետության առևտրաշրջանառության ծավալները հասցնել մեկ, այնուհետև՝ երեք միլիարդ ԱՄՆ դոլարի: Թավրիզում Հայաստանի Հանրապետության գլխավոր հյուպատոսության գործունեությունը կարող է նպաստել Հայաստան-Իրան տնտեսական հարաբերությունների զարգացմանը:

«Հիմք ընդունելով 2007 թվականի հոկտեմբերի 22-ին Հայաստանի Հանրապետության և Իրանի Իսլամական Հանրապետության ԱԳ նախարարների կողմից ստորագրված «Հայաստանի Հանրապետության արտաքին գործերի նախարարության և Իրանի Իսլամական Հանրապետության արտաքին գործերի նախարարության միջև գլխավոր հյուպատոսություններ հիմնելու մասին» փոխըմբռնման հուշագիրը՝ 2022 թվականի հոկտեմբերից Հայաստանի Հանրապետության Սյունիքի մարզի Կապան քաղաքում գործում է Իրանի Իսլամական Հանրապետության գլխավոր հյուպատոսությունը, իսկ Իրանի Իսլամական Հանրապետության Արևելյան Ատրպատական նահանգի Թավրիզ քաղաքում Հայաստանի Հանրապետության գլխավոր հյուպատոսության հիմնումը կապահովի փոխադարձության սկզբունքի կիրարկությունը»,- նշված է հիմնավորման մեջ:

ԳԱԶԻ ՆԵՐԿՐՈՒՄ ԱԳՐԵՋԱՆԻՑ

Ազգային ժողովի նախագահ Ալեն Սիմոնյանը դրական է վերաբերվում Ադրբեջանից Հայաստան գազ ներկրելու Իլհամ Ալիևի առաջարկին:

«Կարծում եմ մենք պետք է քննարկենք այդ հարցը: Այնպես չէ, որ մեր օգտագործած գազի մի մասը ադրբեջանական գազ չէ, որովհետև, վստահ եմ, այն պայմանագրով, որ Ռուսաստանից գալիս, մտնում է իրենց մոտ և գնում Եվրոպա, նույն գազն է, մեծ հաշվով, գալիս և մտնում մեր տարածք:

Շատ լավ տարբերակ է, որ ոչ միայն Ադրբեջանից, այլև Պարսկաստանից գազամուղ անցկացնել, գազ գնել»,- ապրիլի 25-ին խորհրդարանում լրագրողների հետ զրույցում ասել է Սիմոնյանը:

Օրերս Ադրբեջանի նախագահ Իլհամ Ալիևը հայտարարել է, որ Հայաստանը կարող է Ադրբեջանից գազ գնել՝ երկու երկրների հարաբերությունների կարգավորումից և խաղաղության պայմանագրի ստորագրումից հետո:

«Սահմանազատումը և խաղաղության դաշնակցությունը երկու առանձին հարցեր են, կարծում եմ սխալ կլինի դրանք միավորել մեկի մեջ, ու մեկը մյուսից կախման մեջ դնել»,- այս մասին ասել է Ադրբեջանի նախագահ Իլհամ Ալիևը՝ ընդգծելով, որ սահմանազատումը չափազանց բարդ և երկարատև գործընթաց է:

«Խորհրդային տարիներին, երբ ունեինք վարչական սահմաններ, Հայկական ԽՍՀ-ի և Ադրբեջանական ԽՍՀ-ի միջև այս վարչական սահմանի մի մասը սահմանված չէր: Սահմանի մեծ մասն ամբողջովին անմարդաբնակ է՝ 3500 մետր բարձրությամբ լեռներ կան, որոնք տարվա ինն ամիսը ծածկված են ձյունով: Սա, իսկապես, շատ բարդ տեղանք է: Ուստի, գործնական տեսանկյունից այս սահմանի սահմանազատումը կարճ ժամանակում անհնար է: Այսպիսով՝ այն շատ դանդաղ գործընթաց է լինելու: Գործընթաց, որը պահանջում է բարձր ճշգրտություն: Հետևաբար, եթե սպասենք մինչև Հայաստանի և Ադրբեջանի միջև սահմանը սահմանազատվի, և հետո խաղաղության պայմանագիր կնքվի, մեզ անհրաժեշտ կլինի 30 տարի, նույնիսկ՝ ավելին: Ուստի, առաջարկում ենք առանձնացնել այս երկու հարցը»,- ասել է Ալիևը:

Նա հավելել է, որ Տավուշի մարզից սահմանազատումը սկսելը եղել է Բաքվի առաջարկը:

«Մենք հայկական կողմին ասացինք, որ եթե իսկապես ցանկանում են առաջ գնալու իրենց պատրաստակամությունը դրսևորել, պետք է այդպես անեն... Կարծում եմ, որ մեր պետական սահմանի մոտ 10-12 կիլոմետրն արդեն կարելի է սահմանազատված համարել: Սա կարելու կետ է, և պատահական չէ, որ շատ տարածաշրջանային և ոչ տարածաշրջանային երկրներ արդեն իսկ իրենց աջակցությունն են հայտնել դրան: Կտեսնենք, թե



ինչպես կշարունակվի այս գործընթացը: Ինչպես արդեն ասացի, երկու կողմն էլ դրսևորել է կառուցողականություն: Երկու կողմն էլ հասկանում է այս հարցի զգայունությունը և միեւնույն ժամանակ հավատարմությունը միջազգային իրավունքին: Կարծում եմ՝ եթե հետագա փուլերում նույն մոտեցումը կիրառվի, մենք կկարողանանք ավելի արագ առաջ շարժվել»,- ասել է Ալիևը:

Նա հավելել է, որ սահմանը պետք է սահմանազատել սկզբունքներից ելնելով, բայց, միեւնույն ժամանակ, կան սահմանի որոշ հատվածներ, որոնք խնդիրներ են ստեղծում երկու կողմի համար. դա վերաբերում է ճանապարհներին, անվտանգության խնդիրներին, միմյանց տարածքի խորության տեսանկյունից:

«Ուստի, մենք պետք է ստեղծագործ մոտեցում ցուցաբերենք: Մենք չպետք է հավատարիմ մնանք մեկ կոնկրետ գծին և կուրորեն հետեւենք դրան: Մենք պետք է ողջամիտ լինենք և պայմանավորվենք այնպիսի սահմանի շուրջ, որը կլինի անվտանգ և հարմար երկու կողմերի համար: Չնայած, ինչպես արդեն ասացի, սահմանամերձ և հարակից տարածքների մեծ մասը բնակեցված չէ, բայց կան տարածքներ, որտեղ մարդիկ ապրում են իրար կողքի: Եվ այդ տարածքներից մեկը հենց այդ չորս գյուղերի տարածքն է, որտեղ բնակավայրերի միջև հեռավորությունը կարող է հասնել մի քանի հարյուր մետրի, կամ նույնիսկ ավելի քիչ», - եզրափակել է Ալիևը:

ՍՄՍԱ ԳՐԻԳՈՐՅԱՆ

ՕՐՎԱ ԽՃԱՆԿԱՐ

ՌԴ-Ն ՄԵԿՆԱԲԱՆԵԼ Է

ՌԴ ԱԳՆ-ն մեկնաբանել է Հայաստանի և Ադրբեջանի միջև առաջին սահմանային սյան տեղադրումը: ՌԴ ԱԳՆ պաշտոնական ներկայացուցիչ Մարիա Զախարովան երեկվա ճեպագրույցում ընդգծել է, որ Մոսկվան աջակցում է Հայաստանի և Ադրբեջանի միջև պետական սահմանի սահմանազատման բոլոր հարցերի կարգավորմանը բացառապես դիվանագիտական մեթոդներով:

«Մենք հիմք ենք համարում այն, որ պայմանավորվածությունները պետք է լինեն կայուն, հավասարակշռված և փոխըմբռնող: Դրանք պետք է հիմք ծառայեն տարածաշրջանում կայուն խաղաղության հասնելու համար, և մենք հաստատում ենք մեր պատրաստակամությունը՝ շարունակելու խորհրդատվական օգնություն տրամադրել կողմերին սահմանազատման հարցում՝ Ռուսաստանի, Ադրբեջանի և Հայաստանի ղեկավարների միջև եռակողմ պայմանավորվածությունների հիման վրա»,- ասել է Զախարովան:

2024 թվականի ապրիլի 23-ին Հայաստանի Հանրապետության և Ադրբեջանի Հանրապետության սահմանին գեոդեզիական չափումների հիման վրա, կորդիկոնատների ճշգրտման աշխատանքների շրջանակներում տեղադրվել է առաջին սահմանային սյունը: Երկու երկրների



Ֆորձագիտական խմբերի աշխատանքները շարունակվում են:

ԸՍՏ ՄԻՄՈՆՅԱՆԻ՝ ԱՅՅԺՄ ՊԱՇՏՊԱՆՎԱԾ ԵՆՔ

Տավուշի մարզի հատվածում սահմանազատման գործընթացի արդյունքում Հայաստանը և Ադրբեջանը կֆիքսեն պետական սահմանը: Այդ մասին լրագրողների հետ ճեպագրույցի ժամանակ ասաց ԱԺ նախագահ Ալեն Սիմոնյանը՝ նշելով,

որ սահմանազատված հատվածներում կտեղակայվեն սահմանապահները:

«Մեծ հույս ունեմ, որ նման ձեռով կշարունակենք մեր ամբողջ սահմանը սահմանազատել»,- ասաց ԱԺ նախագահը, ապա հավելեց, որ գործընթացը երկու երկրների միջև սահմանի ճշգրտումն իրականացնելու սկիզբն է:

«Անկեղծ, շատ ուրախ եմ, որ եկել, հասել ենք նրան, որ արդեն այսուհետ ենք տնկում և ֆիքսում ենք սահմանը: Չէ՛ որ այդ սահմանը ֆիքսում ենք ոչ միայն հայկական կողմի համար, այլև ադրբեջանական կողմի համար: Սահման ենք ստանում: Միակողմանի գիշոր՝ մեծ սահման ունենալը, միակողմանի գիշոր է հավանական հարձակվող կողմից մեր հայկական սահմանը ճանաչելը, դա գիշոր՝ է. որեւէ տարածք, որեւիցե թունաբ հանձնվել է»,- ասաց Սիմոնյանը և նշեց, որ բազմիցս ասվել է, որ ՀՀ տարածքից որեւիցե մետր հանձնման առումով քննարկման ենթակա չէ:

Ըստ Սիմոնյանի՝ այժմ տարածքն ավելի պաշտպանված է, և որ գործընթացի արդյունքում 10-12 կիլոմետր տարածքում Ադրբեջանը Հայաստանի նկատմամբ տարածքային պահանջներ չունի:

Հիշեցնենք՝ 2024 թվականի ապրիլի 23-ին Հայաստանի Հանրապետության և Ադրբեջանի Հանրապետության սահմանին գեոդեզիական չափումների հիման վրա՝ կորդիկոնատների ճշգրտման աշխատանքների շրջանակներում տեղադրվել է առաջին սահմանային սյունը:

ԸՆՏԱՆԻՔՆԵՐԻ ԹՇՆԱՍՈՒԹՅՈՒՆ

ՓՈԽՄԱՐԶՊԵՏԻ ՈՐԴՈՒ ԳԵՐԵԶՄԱՆԸ ՊԱՅԹԵՑՐԵԼ ԵՆ

«Ժողովուրդ» օրաթերթին հասած տեղեկությունների համաձայն՝ երեկ չէ առաջին օրը Նորասուտում դայթյուն ու կրակոց լավեց, ու ամենագարմանալին այն է, որ այս դեղձերը մեկը մյուսի հետ կապ ունեն:

Նորասուտի գերեզմանատանը պայթյուն էր եղել, եւ ArmLur.am-ին հասած բացառիկ տեղեկությունների համաձայն՝ քաղաքացին պայթուցիկը բերել էր, որ տեղադրեր 7 տարի առաջ սպանված Գեղարքունիքի փոխմարզպետի որդու գերեզմանին, ու այն տեղադրելուց հետո պայթյունը տեղի էր ունեցել ու նա մահացել էր:

Այս դեպքից ժամեր հետո Նորասուտի տներից մեկում լավեց կրակոց. ինքնասպան էր եղել փոխմարզպետի որդու ապանության համար Մարտունի-Սեւան ճանապարհին սպանված Գուրգեն Յակոբյանի հայրը՝ Բ. Յակոբյանը:

Իրավապահների մոտ վարկած է քննվում, որ տարիներ առաջ այս երկու սպանությունների համար ընտանիքների թշնամությունը դեռ շարունակվում է ու, միգրոց, ինքնասպան եղած Յակոբյանն է կազմակերպել պայթեցնել Գեղարքունիքի փոխմարզպետի որդու գերեզմանը, քանի որ ապրիլի 24-ին փոխմարզպետի սպանված որդու ծննդյան օրն էր, ու հարազատները գերեզմանատուն էին գնալու. սակայն այստեղ չի աշխատել, ու նա այս ամենից հետո սեփական տանը ինքնասպան է եղել: Ի դեպ, ըստ լուրերի՝ գերեզմանատանը պայթյունի սարքը տեղադրելու ժամանակ պայթյունից մահացած անձը՝ ինքնասպան եղած Բ. Յակոբյանի վարորդն է եղել:

Նշենք նաեւ, որ մեր իրապարակումից հետո Յայկ Յակոբյանի հարազատները հայտնել են, որ դեպքը իրենց գերեզմանից հեռավորության վրա է եղել:

Հիշեցնենք, որ ArmLur.am-ը գրել էր, որ Գեղարքունիքի փոխմարզպետի որդու սպանության գործով կալանավորվածի հարազատը այսօր «Մակարով» տեսակի ստորճանակով ինքնասպան է եղել:



ArmLur.am-ին հասած տեղեկությունների համաձայն՝ կա վկա, որը մահացածի հարազատն է, եւ նրա ներկայությամբ է դեպքը եղել:

2017 թվականին՝ Գեղարքունիքի փոխմարզպետի որդու սպանությունից հետո, արյունահեղությունները շարունակվում են ու խլում մարդկանց կյանքեր:

Հիշեցնենք, որ 2017 թվականին Գեղարքունիքի փոխմարզպետի որդին՝ Յայկ Յակոբյանը, սպանվել էր:

Հունվարի 7-ին՝ ցերեկը՝ ժամը 12:30-ի սահմաններում, «Տոյոտա լենդ քրուիզեր պրադո» ավտոմեքենայից կրակոցներ էին արձակվել «Աուդի-Q7» մակնիշի ավտոմեքենայի դեկին գտնվող Յայկ Յակոբյանի գլխի եւ պարանոցի ուղղությամբ, ինչի հետեւանքով ստացած վնասվածքներից՝ վերջինս հիվանդանոցի ճանապարհին մահացել էր:

Յակոբյանի վրա 7 կրակոց էր արձակվել:

Նշենք, որ մահացած Յայկ Յակոբյանը հանցագործ աշխարհում մեծ հեղինակություն համարվող Նորասուտից եղբայրներ Ալիկ եւ Արա Բանդուրյանների քեռու

տղան էր, իսկ հայրն այդ ժամանակ Գեղարքունիքի փոխմարզպետն էր:

Այս սպանությունը ունեցավ իր հետեւանքները. 2019 թվականին Լոյեմբերի 2-ին՝ վաղ առավոտյան, Սեւան-Մարտունի ավտոճանապարհին հնչեցին կրակոցներ, ինչի հետեւանքով սպանվեց Լույս մարզի բնակիչ 40-ամյա Գուրգեն Յակոբյանը: Բանն այն է, որ փոխմարզպետի որդու սպանության մեջ մեղադրվում է Մեխակ Յարությանյանը, որը սպանված Գուրգեն Յակոբյանի զարմիկն էր:

Մամուլում շրջանառվող տեղեկությունների համաձայն՝ այս դեպքը կապեցին քրեական հեղինակություն Նորասուտից Ալիկի հետ, թե նա է կազմակերպել՝ ցանկանալով վրեժխնդիր լինել իր մորեղորդ որդու՝ Յայկ Յակոբյանի սպանության համար:

Եվ ահա, 5 տարի անց՝ փոխմարզպետի որդու սպանությունից հետո, վրեժխնդրության արդյունքում սպանված Գուրգեն Յակոբյանի հայրը այսօր ինքնասպան է լինում, ինչը խիստ կասկածների տեղիք է տալիս:

ՔՆԱՐ ՄԱՆՈՒԿՅԱՆ

ՔՐԵԱԿԱՆ ՔՐՈՆԻԿՈՆ

ՆԱԽԱՉԵՌՆՎԵԼ Է ՎԱՐՈՒՅԹ

Քննություն է իրականացվում պարզելու ապրիլի 24-ին Երեւան-Երասխա միջպետական ավտոճանապարհին անվադողեր այրելու եւ այդ կերպ երթեւեկությունը խուլիգանական դրոշմներով խաթարելու դեպքի հանգամանքները: Այդ մասին հայտնում են ԶԿ-ից:

Ինքնությունը չպարզված անձինք, խուլիգանություն կատարելու դիտավորությամբ, մասնավորապես՝ ավտոմեքենաների երթեւեկությունը խոչընդոտելու նպատակով, իրավական Նորմերի նկատմամբ արհամարհական վերաբերմունք ցուցաբերելով, 2024 թվականի ապրիլի 24-ին ժամը 16:25-ին, «Ford Tranzit» մակնիշի, «BMW X5» մակնիշի եւ «Mercedes Benz» մակնիշի ավտոմեքենաներով Երեւան-Երասխա միջպետական ավտոճանապարհի՝ Մասիս համայնքի վարչական տարածքի հատվածի երթեւեկի գոտիներ են տեղափոխել եւ կուտակել բազմաթիվ անվադողեր: Այնուհետեւ, իրենց նպատակին հասնելու համար, մի կողմից դեպի Երասխա, իսկ մյուս կողմից՝ դեպի Երեւան ուղղություններով՝ տեղադրված անվադողերը հրկիզման եղանակով այրել են, ինչի հետեւանքով որոշակի ժամանակահատված ճանապարհի այդ հատվածում երթեւեկությունը խաթարվել է:

Նշված դեպքի առթիվ ՀՀ քննչական կոմիտեի Արարատի մարզային քննչական վարչության Մասիսի քննչական բաժնում ՀՀ քրեական օրենսգրքի 297-րդ հոդվածի 2-րդ մասի 1-ին կետի (խմբակային խուլիգանությունը) հատկանիշներով նախաձեռնվել է քրեական վարույթ:

Ոստիկանությանը տրվել է հանձնարարություն՝ Նշված հանցավոր արարքն առերեսությամբ կատարած անձանց ինքնությունը պարզելու, հայտնաբերելու եւ վարույթն իրականացնող մարմնին ներկայացնելու նպատակով կատարել անհրաժեշտ օպերատիվ-հետախուզական միջոցառումներ:

Քրեական վարույթի շրջանակներում ձեռնարկվում են անհրաժեշտ բոլոր միջոցները՝ կատարվածի հանգամանքները պարզելու եւ հանցագործություն կատարած անձանց պատասխանատվության ենթարկելու նպատակով:

ՀՀ քննչական կոմիտեն նախագուշացնում է ձեռնպահ մնալ հասարակական կարգը, հանրապետության կենսագործությունն ապահովող միջպետական եւ այլ նշանակության ճանապարհների երթեւեկությունը նման հանցավոր եղանակներով խոչընդոտելու ուղղված գործողություններից: Նման բոլոր դեպքերը դարձվելու են մանրամասն քննության առարկա եւ հանցագործություն կատարած անձինք ենթարկվելու են քրեական պատասխանատվության:

ԱՄՆ ՔԱՂԱՔԱՑՈՒՆ ԱՐՏԱՂԱՆՁՆԵԼ ԵՆ

ՀՀ-ում ԱՄՆ դեսպանության եւ ՀՀ գլխավոր դատախազության ու ներքին գործերի նախարարության համագործակցության արդյունքում Միացյալ Նահանգներին է հանձնվել հետախուզման մեջ գտնվող ԱՄՆ քաղաքացի: «Այս հաջողված համատեղ գործողությունն ի ցույց է դնում ԱՄՆ եւ ՀՀ իրավապահների արդյունավետ գործընկերությունը», - ասված է ԱՄՆ դեսպանության տարածած հաղորդագրության մեջ:

ԱՊՕՐԻՆԻ ԶԵՐԲԱՎԱԿԱԼՈՒԹՅՈՒՆՆԵՐ

ՏԱՐԵԼ ԵՆ ՆԱԵՎ ԱՅԼ ԵՐԿՐԻ ՔԱՂԱՔԱՑՈՒՆԵՐԻ

Ապրիլի 24-ին «Ազգային ժողովրդավարական բեռն»-ի երթի ժամանակ ոստիկանները ուժ են կիրառել հավաքի մասնակիցների եւ ԱժԲ-ի անդամների նկատմամբ:

ArmLur.am-ի հետ զրույցում ԱժԲ անդամ Արմինե Սախոյանն ասաց, որ այս պահի դրությամբ ազատ են արձակվել բոլոր ցուցարարները, ձերբակալված են մնացել միայն Ազգային ժողովրդավարական բեռնի 7 անդամները:

«Փաստաբաններ կան, որ պետք է զբաղվեն այս հարցով, որ հասկանանք՝ ի՞նչ հիմքով է իրականացվել ձերբակալությունը:

Լաուրա Պապիկյանը Ծիծեռնակաբերդում Աննա Յակոբյանին չի վիրավորել, բայց ինչ-որ արտահայտություն էր արել, հենց դրա համար էլ Լաուրային ձերբակալել են. մեկ էլ Տիգրանն էր, որ ակտիվ է եղել, կադրերում երեւում է, մնացած մասնակիցների հետ կապված՝ հասկանալի չէ: Ստացվում է, որ մարդկանց ասած ճշմարտությունը առիթ է դարձել, որ ձերբակալեն իրենց:



Փաստաբանները կաշխատեն, որ հասկանանք՝ ի՞նչ հիմքով են եղել ձերբակալությունները: Տուգանային իրապարակում է գտնվում նաեւ մեր Pickup մեքենան», - նշել է Արմինե Սախոյանը:

Երթի ժամանակ ձերբակալվել են նաեւ այլ երկրի քաղաքացիներ. նրանք դիմելու են տվյալ երկրի դեսպանատներ, քանի որ իրենց նկատմամբ բռնություն է կիրառվել:

ԷՄՍՄ ՄԱՐՏԻՐՈՅԱՆ

● Ըստ ոստիկանության տվյալների՝ ապրիլի 23-ից 25-ը ՀՀ ՆԳՆ ոստիկանության ստորաբաժանումների կողմից բացահայտվել է հանցագործության 203 դեպք, որից 9-ը՝ նախկինում կատարված:

ՄԱՐԶ

ՄԱՐԶՊԵՏԻՆ ԵՅԱՐԳԱՅԵԱՅՐԵԼ Է ՀԱՐՑԸ

Նիկոլ Փաշինյանի դասընկեր, Նրա հարսանիքի քվոր, Նիկոլ Փաշինյանի որոշմամբ՝ 2019 թվականի սեպտեմբերից Իջան համայնքի ղեկավարի պաշտոնակատար, 2021 թվականի ապրիլի 8-ից Տավուշի մարզպետ նշանակված Հայկ Ղալունյանին հարցում ենք արել. «Դուք ո՞ր թվականին եք դարձել «Քաղաքացիական պայմանագիր» կուսակցության անդամ, ո՞ր թվականին՝ այդ կուսակցության վերահսկող հանձնաժողովի նախագահ»: Մարզպետը տվել է ապշեցնող պատասխան. «Հարցի վերաբերյալ Ձեզ պատասխանվել է»:

Ե՞րբ է պատասխանվել. իրականում «չի պատասխանվել», այլապես մենք այդ հարցի պատասխանը մասնաձևով կհրապարակեինք: Բացի դրանից, մեր լրագրողի կողմից անիմաստ կլիներ մարզպետին տալ այն հարցը, որին նա պատասխանել է. կարծում ենք, որ ՔՊ-ի հանդեպ Հայաստանի, մասնավորապես՝ Տավուշի մարզի բնակիչների կարծիքը իմանալով՝ մարզպետ Ղալունյանը խուսափել է հարցին պատասխանելուց:

Տավուշի մարզպետ նշանակվելուց հետո նա երկար ժամանակ իր կենսագրության մեջ չէր նշում կուսակցական պատկանելիության մասին. մարզպետին իր կուսակցական պատկանելիության վերաբերյալ մեր հարցումներից հետո մարզպետարանի ինտերնետային կայքում տեղադրված կենսագրության մեջ նա հավելեց «Քաղաքացիական պայմանագիր» կուսակցության անդամ լինելը:

ԲԱՂԱՆԻՍ-ՈՍԿԵՊԱՐ ԺԱՆԱՊԱՐԿԸ ԵՐԿԵՈՂՄԱՆԻ ՓԱԿ Է

Ապրիլի 25-ի առավոտից Բաղանիս-Ոսկեպար հիմնական ավտոճանապարհը երկկողմանի փակել են, որպեսզի սահմանազատման գործընթացի սահմաններում աշխատանքներ իրականացնեն: Միջպետական ավտոճանապարհի այդ հատվածում երթևեկը կատարվում է «Հարսնաքարով» ձգվող շրջանցիկ ճանապարհով: Բաղանիսի բնակիչները հայտնեցին, որ սահմանազատման անվան տակ տարածքներ հանձնելուց հետո Ադրբեջանի, Բաղանիս-Այրում նախկին գյուղի սահմանը ձգվելու է Բաղանիսի այժմյան աղբավայրի մեջտեղով: Այստեղ արդեն սահմանային սյուներ են տեղադրվել:

Բաղանիս գյուղում հավաքված կենցաղային աղբը հեռացվում է ամեն կիրակի օր:

Անցած կիրակի՝ ապրիլի 21-ին, Բաղանիսի կենցաղային աղբը տեղափոխվել է նշված աղբավայր, սակայն հաջորդ կիրակի, ամենայն հավանականությամբ, դա հնարավոր չի լինելու անել:

ՈՍԿԱՆ ՍԱՐԳՍՅԱՆ Տավուշ

ՏԱՐԵԿԱՆ ՀԱՂՈՐԴՈՒՄ

2023 ԹՎԱԿԱՆԻ ԳՈՐԾՈՒՆԵՈՒԹՅՈՒՆ

«2023 թվականին նախորդ տարվա համեմատ աճել է ՄԻՊ-ին ուղղված դիմումների թիվը, շեշտակի աճել է նաև դրական լուծում ստացած գործերի թիվը. 2022 թվականին ունեցել ենք 1282 դրական լուծում ստացած գործ, իսկ 2023 թվականին՝ 1922»: Այս մասին ասել է ՀՀ մարդու իրավունքների դպրոցի Սեդա Գևորգյանը:

Մարդու իրավունքների պաշտպանության եւ հանրային հարցերի մշտական հանձնաժողովի՝ ապրիլի 25-ի նիստում ՀՀ մարդու իրավունքների պաշտպան Անահիտ Մանասյանը ներկայացրել է «2023 թվականի ընթացքում ՀՀ մարդու իրավունքների պաշտպանի գործունեության, մարդու իրավունքների եւ ազատությունների պաշտպանության վիճակի մասին» տարեկան հաղորդումը եւ «ՀՀ մարդու իրավունքների պաշտպանի՝ որպես կանխարգելման ազգային մեխանիզմի 2023 թվականի գործունեության վերաբերյալ» տարեկան զեկույցը:

Ամփոփ ներկայացնելով Հայաստանում մարդու իրավունքների պաշտպանությանը վերաբերող հիմնական խնդիրները՝ Անահիտ Մանասյանը նշել է, որ 512 այց է իրականացվել տարբեր հաստատություններ ու վայրեր:

Անդրադառնալով միջազգային համագործակցության հարթակում արձանագրված ձեռքբերումներին՝ զեկույցողը նշել է, որ Հայաստանի ՄԻՊ-ն առաջին անգամ ընդգրկվել է Մարդու իրավունքների պաշտպանության ազգային հաստատությունների եվրոպական ցանցի կառավարման մարմնում:

Անահիտ Մանասյանը խոսել է հասարակության շրջանում առկա անհանդուրժողականության եւ ատելության մթնոլորտի մասին: Նա նշել է, որ արձանագրվել են խնդիրները եւ նախաձեռնվել են դրանց լուծման ուղիները: Մարդու իրավունքների պաշտպանը չափազանց կարեւորել է հանրային եւ քաղաքական գործիչների, զանգվածային լրատվամիջոցների դերակատարությունը՝ ատելության խոսքի եւ անհանդուրժողականության հակազդմանը:

Նշվել է, որ կառույցը հատուկ ուշադրություն է դարձրել խոսքի ազատության, հավաքների ազատության իրավունքի իրացման, կյանքի, անվտանգության կանխավարկածի, զինված ուժերում մարդու իրավունքների պաշտպանության հետ կապված հարցերին. արձանագրվել են բազմաթիվ խնդիրներ:

Անահիտ Մանասյանը խոսել է հաշմանդամություն ունեցող անձանց իրավունքների պաշտպանության բնագավառում արձանագրված համակարգային խնդիրների մասին:

Նա մտահոգի է համարել երեխաների նկատմամբ բռնության դեպքերի ծավալը եւ դրանց վերաբերելի հարցերը, որոնք, ըստ զեկույցողի, պետք է ստանան պատ-



շան հասցեավորում: Մարդու իրավունքների պաշտպանի կարծիքով ՀՀ-ն պետք է ունենա երեխաների նկատմամբ բռնության կանխարգելման հստակ հայեցակարգ, ռազմավարություն:

Նշվել է, որ զեկույցում հատուկ անդրադարձ կա փաստաբանների գործունեության երաշխավորմանը. մասնավորապես նկարագրվել են փաստաբանների նկատմամբ բռնության դեպքերը եւ ընդգծվել է դրանց անթույլատրելիությունը:

Ըստ Անահիտ Մանասյանի՝ զեկույցում բավականին ծավալուն ներկայացված են Լեռնային Ղարաբաղից բռնի տեղահանված մեր հայրենակիցների իրավունքներին վերաբերող հարցերը. կառույցի կողմից ցուցաբերվել է թե՛ աջակցություն եւ թե՛ արձանագրվել են խնդիրները:

Անահիտ Մանասյանը պատասխանել է պատգամավորների հարցերին, տրվել պարզաբանումներ: Մասնավորապես՝ Աժ մարդու իրավունքների պաշտպանության եւ հանրային հարցերի մշտական հանձնաժողովի նախագահի տեղակալ Ռուստամ Բաքոյանը հետաքրքրվել է՝ արդյոք պետական մարմինների կողմից ճնշումներ լինում են Մարդու իրավունքների պաշտպանի նկատմամբ, եւ արդյոք այդ մասին նշվել է հաղորդման մեջ:

Ի պատասխան՝ Անահիտ Մանասյանը տեղեկացրել է, որ պետական մարմինների կողմից ճնշումներ չեն եղել: «Սովորաբար Մարդու իրավունքների պաշտպանության ազգային հաստատությունների նկատմամբ ամենամեծ վտանգը նկատվում է հենց պետական մարմիններից, հատկապես՝ գործադիր իշխանության մարմիններից: Հատուկ արձանագրում էրեք խոսքը պետական իշխանության մարմինների մասին է, ապա նշեմ, որ այս տարվա ընթացքում որեւէ դեպքով չեմ նկատել իմ անկախության նկատմամբ ոտնձգություն կամ իմ նկատմամբ ճնշում, քանի որ կարողացել եմ շատ ազատ խոսել բոլոր խնդիրների վերաբերյալ, կամ որեւէ խնդրի վերաբերյալ խոսելուց հետո չեմ ունեցել դրա հետ կապված այնպիսի արձագանք, որը կարող է իմ անկախության նկատմամբ ոտնձգության վերաբերյալ վկայել», - մանրամասնել է պաշտպանը՝ հույս հայտնելով, որ այս իրավիճակը կշարունակվի:

Նիստի ավարտին Ռուստամ Բաքոյանը շնորհակալություն է հայտնել Անահիտ Մանասյանին կատարած աշխատանքների համար՝ նշելով, որ միջազգային բազմաթիվ կառույցների ներկայացուցիչներ, անցկացնելով մշտադիտարկում, դրական են գնահատել Հայաստանի Հանրապետության ՄԻՊ-ի գործունեությունը:

Զեկույցն ընդունվել է ի գիտություն: **ԱՆՆԱ ՍՐԿՊԻՈՆՅԱՆ**

ՀԱՆՈՒՆ ՀԱՅՐԵՆԻՔԻ

ԶԳԱԴԱՐՈՂ ԴԱՍԱԳՈՒԼ՝ ԲԱՂԱՆԻՍՈՒՄ

«Մահմանադահ Բաղանիսի դոգրոցի առակերները դասադուլ են անում՝ հանուն հայրենիքի». - այս մասին հայտնում են «Տավուշը հանուն հայրենիքի» նախաձեռնությունից:

«Ստի եւ կեղծիքի դեմ պայքարը շարունակվում է՝ հանուն ճշմարտության եւ արդարության», - գրված է նախաձեռնության ֆեյսբուքյան էջում:

Հիշեցնենք, որ Տավուշի սահմանափակ գյուղերի բնակիչներն ապրիլի 19-

ից բողոքի ակցիաներ են անում Հայաստան-Վրաստան միջպետական ճանապարհին:

Նրանք դեմ են սահմանազատման այն տարբերակին, որը համաձայնեցրել են Երեւանն ու Բաքուն:

● Անցած 2 օրվա ընթացքում հանրապետությունում արձանագրվել է ճանապարհատրանսպորտային 15 պատահար. 1 մարդ զոհվել է, 24-ը՝ ստացել տարբեր աստիճանի մարմնական վնասվածքներ:

ՏՈՒՆՆԵՐ

ԼՈՒՐԵՐ

ԳԼԽԱՎՈՐ ՀԱՐԿԱՏՈՒՆԵՐԻ ՑԱՆԿ

ՀՀ ՊԵԿ-ը հրապարակել է այս տարվա առաջին եռամսյակի 1000 խոշոր հարկատուների ցանկը:

Ըստ այդմ, խոշոր հարկատուների ցուցակը գլխավորում է «Մոբայլ սելթրաբարթ» ՍՊԸ-ն, որը վճարել է 19 մլրդ 907 մլն 415 հազար դրամի հարկ: Նախորդ տարվա նույն ժամանակահատվածում այս ընկերությունը 6-րդ հորիզոնականն էր զբաղեցնում վճարելով 5 մլրդ 339 մլն 559 հազար դրամ:

2-րդ տեղում «Գազպրոմ Արմենիա» ընկերությունն է, որ վճարել է 18 մլրդ 162 մլն 346 հազար դրամ: 2023-ին «Գազպրոմ Արմենիա»-ն գլխավորում էր խոշոր հարկատուների ցանկը:

3-րդ տեղում Ջանգեզուրի պղնձամուխրեղենային կոմբինատն է՝ 15 մլրդ 626 մլն 783 հազար դրամ հարկով: Այս ընկերությունը նախորդ տարի երկրորդ տեղում էր:

4-րդ տեղում «Գրանդ տոբակո» ընկերությունն է, որ վճարել է 13 մլրդ 215 մլն 530 դրամ:

5-րդ տեղում «Փրիթի ուեյ» ՍՊԸ-ն՝ «Վեստա» խանութների ցանցը, որ այս տարի մուծել է 8 մլրդ 810 մլն 850 հազար դրամ:

ԱՐՏԱՔԻՆ ԱՌԵՎՏՐԻ ԵՐՋԱՆԱՌՈՒԹՅՈՒՆԸ ԱՃԵԼ Է

Հայաստանի արտաքին առևտրաշրջանառությունը տարեկան ցածր արագությամբ աճել է: Այդ մասին փաստող ցուցանիշներ է ներկայացրել ՀՀ վիճակագրական կոմիտեն:

Երկրի սոցիալ-տնտեսական վիճակը բնութագրող ընթացիկ-օպերատիվ ամփոփմամբ ստացված նախնական հիմնական մակրոտնտեսական ցուցանիշների մասին հաշվետվությունից հետևում է, որ այս տարվա մարտին արտաքին առևտրաշրջանառությունը կազմել է 3 մլրդ 568.2 մլն դոլար: Մեկամյա վաղեմության ցուցանիշը գերազանցվել է 2.1 անգամ: Այս տարվա փետրվարի համեմատ աճը կազմել է 7.3 տոկոս: Ընթացիկ տարվա առաջին քառամսյակում այն կազմել է 9 մլրդ 169.7 մլն դոլար, ինչը նույնպես 2.1 անգամ գերազանցում է նախորդ տարվա նույն ժամանակահատվածի ցուցանիշը:

Ծավալը արտահանման մարտին կազմել է 1 մլրդ 845.4 մլն դոլար՝ 3 անգամ գերազանցելով 2023 թվականի նույն ամսվա ցուցանիշը: Այս տարվա փետրվարի համեմատ աճը կազմել է 13.1 տոկոս: Հունվար-մարտ ամիսներին Հայաստանից արտահանվել է 4 մլրդ 422.8 մլն դոլարի արտանյութ, ինչը 2.7 անգամ գերազանցում է նախորդ տարվա նույն ժամանակահատվածի ցուցանիշը:

Այս տարվա մարտին երկիր է ներմուծվել 1 մլրդ 722.8 մլն դոլարի արտանյութ: Ընթացիկ տարվա հունվար-մարտ ամիսներին Հայաստան ներկրված արտանյութի ծավալը կազմել է 4 մլրդ 746.9 մլն դոլար: Նախորդ տարվա նույն ժամանակահատվածի ցուցանիշը գերազանցվել է 75.8 տոկոսով:

2024-ի մարտին դրամի փոխարժեքը ներկայացված է՝ ԱՄՆ 1 դոլարի դիմաց 400.42 դրամի հաշվարկով: Հունվար-մարտ ամիսներին դոլարի արժեքը կազմել է 403.22 դրամ:

ԱՎՏՈՍԱՏ ՀԱՄԱԿԱՐԳ

ՍՈՑՎՃԱՐԻ ՎԵՐԱԴԱՐՁԻ ՄԱՍԻՆ

Սոցիալական վճարների առավելագույն չափը գերազանցող գումարներն այսուհետ կվերադարձվեն ավտոմատ համակարգի միջոցով:

Ի՞նչ պետք է իմանալ սոցիալական վճարի վերադարձի մասին

Մի քանի արժյուրից հաշվարկված եւ փոխանցված սոցիալական վճարների առավելագույն չափը գերազանցող գումարները ֆիզիկական անձանց վերադարձվում են ինքնաշխատ եղանակով եւ հարկային մարմին դիմելու անհրաժեշտություն չկա: Ավտոմատ համակարգի միջոցով Կենտրոնական բանկը պետական եկամուտների կոմիտեին տրամադրում է ֆիզիկական անձին պատկանող մեկ վավեր հաշվեհամար (անկախ արժույթից), որին էլ փոխանցվում է գումարը:

Ու՞րքե՞ր կարող են օգտվել սոցիալական վճարների վերադարձից

Մի քանի արժյուրից հաշվարկված եւ փոխանցված սոցիալական վճարների առավելագույն չափը գերազանցող գումարների վերադարձից կարող են օգտվել այն ֆիզիկական անձինք, որոնք մի քանի գործատուների մոտ աշխատում են որպես վարձու աշխատող, կամ, միաժամանակ, հանդիսանում են վարձու աշխատող եւ անհատ ձեռնարկատեր կամ նոտար, որի արժյունը նրանց համար հաշվարկված եւ փոխանցված սոցիալական վճարի ընդհանուր գումարը գերազանցում է սահմանված առավելագույն չափը:

Ինչպե՞ս է հաշվարկվում սոցիալական վճարը

Եթե ֆիզիկական անձի ամսական եկամուտը չի գերազանցում 500 հազար դրամը, ապա սոցիալական վճարը հաշվարկվում է եկամտի 5 տոկոսի չափով, իսկ գերազանցելու դեպքում՝ եկամտի 10 տոկոսի եւ 25 հազար դրամի տարբերության



չափով, բայց ոչ ավելի՝ 87 հազար 500 դրամից:

Եթե ֆիզիկական անձի տարեկան եկամուտը չի գերազանցում 6 մլն դրամը, ապա սոցիալական վճարը հաշվարկվում է եկամտի 5 տոկոսի չափով, իսկ 6 մլն դրամը գերազանցելու դեպքում՝ եկամտի 10 տոկոսի եւ 300 հազար դրամի տարբերության չափով, բայց ոչ ավելի՝ 1 մլն 50 հազար դրամից:

Ո՞ր դեպքերում է վերադարձվում սոցիալական վճարը

Սոցիալական վճարների գումարները վերադարձվում են, եթե մի քանի արժյուրից ստացված ընդհանուր եկամուտը գերազանցում է ամսական 1 մլն 125 հազար դրամը (նվազագույն ամսական աշխատավարձի՝ 75 հազար դրամի 15-ապատիկը) եւ (կամ) տարեկան 13 մլն 500 հազար

դրամը (նվազագույն ամսական աշխատավարձի 180-ապատիկը): Սոցիալական վճարների հաշվարկն իրականացվում է աշխատավարձից, քաղաքացիաիրավական պայմանագրի շրջանակում կատարված աշխատանքների եւ մատուցված ծառայությունների դիմաց ստացված եկամուտներից եւ ձեռնարկատիրական եկամտից:

Ի գիտություն

Այն դեպքում, երբ շահառուն ցանկանում է գումարները փոխանցվել իր նախընտրած վավեր հաշվեհամարին, ապա կարող է այցելել ՊԵԿ սպասարկման ցանկացած սրահ կամ հաշվեհամարը ներկայացնել էլեկտրոնային եղանակով՝ էլեկտրոնային հարցումների միասնական www.e-request.am հարթակի միջոցով:

ՀԱՄԱ ՄԻՔԱՅՆԵՆԱՆ

ԼՈՒՐԵՐ

ԹՈՒՆԱՔԻՄԻԿԱՏՆԵՐԸ ՉԵՆ ՍՐՄԵՎԵԼ

Ղեռ մարտ ամսից Երեւան քաղաքում տեղի էր ունենում ծառերի սպանդ: Երեւանյան հին եւ հաստաբուն ծառերը փոխարինվել են թեղիներով, սակուրաներով, որոնց սաղարթը չի համեմատվի Երեւանյան հնաբնակ եւ սաղարթախիտ ծառերի հետ:

Քաղաքացիների շրջանում դժգոհություն են առաջացել՝ նոր եւ երիտասարդ ծառերի վերաբերյալ, քանի որ ծառերը ոչ միայն չեն պաշտպանում կիզիչ արեւից, այլեւ ծառերի վրայից միջատներ, մոծակներ եւ մկաններ են լցվում ներս:

Չնայած նրան, որ արդեն ապրիլ ամսվա վերջն է, ծառերի թունաքիմիկատները չեն փչվել:

«Ժողովուրդ» օրաթերթը կապ հաստատեց «Կանաչապատում եւ շրջակա միջավայրի պահպանություն» ՀՈԱԿ-ի տնօրեն Արմեն Բեգոյանի հետ՝ հասկանալու համար, թե ե՞րբ են սկսվելու ծառերը փչելու աշխատանքները: Մեզ հետ զրույցում Արմեն Բեգոյանն ասաց, որ այսօրվանից մեկնարկելու են ծառերի սրսկման աշխատանքները եւ շարունակվելու են մինչեւ հոկտեմբեր ամիս:

«Աշխատանքները մեկնարկում են այսօր, շարունակվելու են գրեթե ամենօրյա

գրաֆիկով, սրսկվելու են մի քանի անգամ, ամեն վարչական շրջանում մինչեւ հոկտեմբեր ամիս»:

Յետաքրքրվեցինք նաեւ՝ արդյո՞ք այդ սրսկումները ինչ-որ օգուտ կարող են տալ, ինչին ի պատասխան, Բեգոյանն ասաց. «Թեղիների դեպքում ունենք մի փոքր կասկած, օգտավետություն ոչ շատ քիչ կտա: Մնացած բոլոր ծառերի դեպքում, այո, օգուտ կլինի: Բավականին լավ թունաքիմիկատներ են օգտագործվում»:

ԱՆՆԱ ՄՐԱՊԻՈՆՅԱՆ

ԿԵՐԿԱՐԱՉԳՎԻ ԷՆԵՐԳԱԲԼՈՎԻ ԸՆԴՀԱՆՈՒՐ ԾՈՒՄԸ

Տարածքային կառավարման եւ ենթակառուցվածքների նախարարությունից տեղեկացնում են, որ նախարար Գևորգ Սախաչյանն ընդունել է Հայաստանում ՌԴ արտակարգ եւ լիազոր դեսպան Սերգեյ Կոպիրկինի գլխավորած պատվիրակությանը:

Հանդիպման ժամանակ քննարկվել են Հայկական ԱԷԿ-ի երկրորդ էներգաբլոկի շահագործման ժամկետի երկարաձգման աշխատանքների վերաբերյալ հարցեր:

Քննարկվել են նաեւ ենթակառուցվածքների զարգացման, միջտարածաշրջանա-

յին համագործակցության, ինչպես նաեւ երկկողմ հետաքրքրություն ներկայացնող մի շարք այլ հարցեր:

2.72 ՄԼՆ ԵՎՐՈՅԻ ՆՈՐ ՏՐԱՆՑ

Կառավարությունն իր երեկվա՝ ապրիլի 25-ի նիստում հավանություն է տվել «Հայաստանի Հանրապետության ու Վերակառուցման եւ զարգացման եվրոպական բանկի միջեւ 2016 թ. մայիսի 11-ին ստորագրված՝ «Գյումրու քաղաքային ճանապարհներ» վարկային համաձայնագրում փոփոխություններ կատարելու մասին» թիվ 2 համաձայնագիրը վավերացնելու մասին» ՀՀ օրենքի նախագծին:

Ըստ հիմնավորման՝ ծրագրի իրականացման նպատակով ՎԶԵԲ-ից ներգրավվել են 14.6 մլն եվրո ծավալով վարկային եւ 5.3 մլն եվրո ծավալով դրամաշնորհային միջոցներ: Մեկ այլ դրամաշնորհ՝ 2 մլն եվրո ծավալով, ներգրավվել է Արեւելյան Եվրոպային էներգախնայողության ու շրջակա միջավայրի գործընկերության («E5P») տարածաշրջանային հիմնադրամից: Համաձայնագրով կնխատեսվի 2.72 մլն եվրո արժույթային սոր՝ 7 տրանսպորտային թաղամասերում իրականացվելիք աշխատանքների համաֆինանսավորմանը:

«Ժողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՄՇԱԿՈՒՅԹ

ՀԱՅՐԵՆԱԾԱՆԱԶՈՒԹՅՈՒՆ

ՊԱՏՄԱՎԵՊԻ ԼԱՎԱԳՈՒՅՆ ՆՎԻՐՅԱԼԸ

136 սարի առաջ այս օրը մահացել է մեծանուն գրող Ռաֆֆին, որի ստեղծագործություններն առանձնապես են հուզական և գիտական աշխարհների բախմամբ:

Հայ գրող, հրապարակախոս և հասարակական գործիչ Հակոբ Մելիք-Հակոբյանը ծնվել էր 1835 թվականին Փայաջուկում Իրանի Սալմաստ գավառում գտնվող հին հայկական գյուղում՝ հարուստ ազնվականի ընտանիքում:

13 զավակների հայրը՝ Մելիք Միրզան, հսկայական կալվածքներ ուներ, իսկ մեծիքությունը նրանց ժառանգական իրավունքն էր, ու հենց նրանց էր վերապահված գյուղերի կառավարումը:

Թիֆլիսում ուսանելու տարիներին ապագա գրողը սկսում է տարվել Շիլլերի և Յուզոյի ստեղծագործություններով: Ուսումը չավարտած՝ վերադառնում է Փայաջուկ՝ կառավարելու ընտանեկան ժառանգությունը, սակայն ազգային գաղափարներով տարված երիտասարդը երկար չի կարողանում այդպես ապրել, և ճանապարհորդելով Պարսկաստանի և Թուրքիայի հայկական գավառներում՝ գրառում է ժողովրդի նիստուկացի, բնաշխարհագրական տեղայնության, պատմական հիշատակների վերաբերյալ իր հարուստ տպավորությունները:

1879 թվականին մշտական բնակություն է հաստատում Թիֆլիսում և զբաղվում միայն գրական աշխատանքով: Աշխատակցում է Աբգար Հովհաննիսյանի «Արծազանք» թերթին և «Մշակ» լրագիրին, որը սկսում է հրատարակվել 1872 թվականից՝ Գրիգոր Արծրունու խմբագրությամբ:

Գրողը մահանում է 1988 թվականին և թաղվում Թիֆլիսում՝ Խոջիվանքի հայկական գերեզմանոցում: Նրա մահվանից հետո գրողին նվիրված մեկ այլ մեծանուն գրչի՝ ամենայն հայոց բանաստեղծ Հովհաննես Թումանյանի խոսքերն են. «Ճապոնացիների մեջ մի գեղեցիկ սովորություն կա, որ դիմում են իրենց մեռած գործիչների հոգիներին, ինչպես կենդանի մարդկանց: Հետեւելով էս գեղեցիկ սովորությանը՝ էսօր Հայոց Գրողների Ընկերության անունից ես դիմում եմ Ռաֆֆու հոգուն:

Ամսա հոգի, որ հայի բազմադարյան տառապանքով ու նրա լավ ապագայի կարոտով լցված՝ քո տաղանդի կախարդական ուժով դուրս կանչեցիր անցյալի մութից ու ապագայի անհայտությունից հրա-



պուրիչ պատկերներ ու հերոսական դեմքեր ու նրանցով վառեցիր, ոգեւորեցիր վիատներին, որ տկարներին համարձակություն ներշնչեցիր ու դրկեցիր հզորների դեմ՝ նահատակության՝ արյունով լվանալու և սրբելու ստրկության արտասուքը, որ անհանգստություն տվիր հայ ժողովրդի հոգուն և ուղղեցիր նրան դեպի ազատագրության ճանապարհը, էսօր եկել ենք քո գերեզմանի վրա դնելու թարմ ծաղիկների հետ և մեր ցավերը, որ միշտ մնում են թարմ, և մեր զգացմունքները, որ համակված են քո շնչով ու հիշատակով: Եկել ենք քո գերեզմանի վրա օրհնելու և փառաբանելու քո տված անհանգստությունը, էն ճանապարհը, որ ցույց տվիր, և էն նահատակների շարքերը, որ գնացին քո ցույց տված ճանապարհով:

Անհանգստ հոգի, անշուշտ այժմ դու սավառում ես էն դժբախտ աշխարհի երկնքում, որ քո մահից 25 տարի հետո՝ դարձյալ մի անգամ ավելի մեծ թափով ու սարսափով բարձրացել են հույզերն ու հույսերը, և թերեւս հեռու չի օրը, երբ մենք կկարողանանք կրկին գալ քո շիրմի վրա ու կանչել. - արդեն կատարված է քո

իղծը, ո՛վ անհանգստ հոգի, ընդմիշտ վերացած ու վերջացած են էնքան արյուններ, էնքան կոտորած, և «ամեն կողմից պանդուխտ հայագիք դիմում են իրենց սիրուն հայրենիք...»: Արդեն կատարված է հայ ժողովրդի ազատագրության մեծ գործը, հանված է նա հին դժոխքից, ապահով է անվերջ կոտորածներից ու հանգիստ, անլուր հալածանքներից, դու էլ հանգստացիր քո հավիտենական կայանում, ո՛վ անհանգստ հոգի»:

Գրող Ռաֆֆին առանձնանում է իր կյանքում և ստեղծագործություններում առկա պայքարով, պայքար՝ ազգային համար, պայքար կանանց կրթության իրավունքի համար, պայքար ազատության համար: Ռաֆֆու ստեղծագործություններում հաճախ առկա է բախում գիտակցական և հուզական աշխարհների միջեւ: Որպես ընթերցող՝ մենք հաճախ հերոսների արարքները հուզականորեն քննադատում, իսկ գիտակցական մակարդակում գնահատում ենք, համամիտ լինում նրանց «որոշումների» հետ: Այդպես է հատկապես «Սամվել» վեպի վերջաբանի դեպքում...

ՀՈՐԻ ԲԱՂՂԱՍՍՐՅԱՆ

ՄԱՐԶԱԿԱՆ

ՀԱՅԱՍՏԱՆԸ ՈՒՆԻ 7 ՆԵՐԿԱՅԱՑՈՒՑԻՉ

Բնկցամարտի Եվրոպայի առաջնությունում մեկնարկում են կիսաեզրափակիչները:

Սերբիայի մայրաքաղաք Բելգրադում ընթացող Եվրոպայի առաջնությունում Հայաստանն ունի 7 ներկայացուցիչ:

50 կգ քաշային Անուշ Գրիգորյանի մրցակիցը իռլանդացի Սվինի Շանոն է:

70 կգ քաշում Անի Հովսեփյանը կմենամարտի ռուս Դարինա Սանդակովայի հետ:

Տղամարդկանց պայքարում 48 կգ քաշային Բարեղամ Հարությունյանը կմրցի Սերբիայից Ռադե Յոկսիմովիչի հետ:

57 կգ Արթուր Բազեյանի հակառակորդը ռուս Էդուարդ Սավվին է:

60 կգ Արթուր Սահակյանն էլ ուժերը կչափի բուլղար Ռադոսլավ Ռոսենովի հետ:

67 կգ քաշում Արարատ Հարությունյանը եզրափակիչ դուրս գալու համար կմրցի ռուս Տարխան Իգիդովի հետ:

Իսկ Նարեկ Մանասյանի մրցակիցը 92 կգ քաշում Ադրբեջանը ներկայացնող Լորեն Ալֆոնսոն է:

ԸՆԽՄԱՏ

Հունաստանի Հռոդոս կղզում ընթացող շախմատի կանանց Եվրոպայի 24-րդ առաջնության 5-րդ տուրում Լիլիթ Մկրտչյանը հաղթել է սերբուհի Տիյանա Մանդուրային, իսկ Մարիամ Մկրտչյանը՝ ֆրանսուհի Բեատրիս Բելյուրին:

Կանանց Հայաստանի հավաքականի առաջատար Էլինա Դանիելյանը ոչ-ոքի է խաղացել իսրայելցի Նոգա Օրիանի հետ, իսկ Սուսաննա Գաբրյանը պարտվել է Պոլին Գիշարին (Ֆրանսիա):

Լիլիթ Մկրտչյանը 3,5 միավորով բաժանում է 21-41-րդ, Մարիամ Մկրտչյանը 3 միավորով՝ 42-73-րդ, Էլինա Դանիելյանն ու Սուսաննա Գաբրյանը 2,5 միավորով՝ 74-111-րդ տեղերը:

Եվրոպայի առաջնությունն անցկացվում է Չվեյցարական մրցակազմով՝ 10 խաղափուլով: Ընդհանուր մրցանակային հիմնադրամը 60.000 եվրո է: ԵԱ-ն նաեւ ընտրական փուլ է կանանց աշխարհի գավաթի խաղարկության համար: Մասնակցության իրավունք կստանա առնվազն 10 շախմատիստուհի:

ԵԶՐԱՓՈՒԿՈՒՄ ԵՆ

Իտալիայի Ռիմինի քաղաքում անցկացվող սպորտային մարմնամարզության Եվրոպայի առաջնությունում աշխարհի և Եվրոպայի չեմպիոն Արթուր Դավթյանը դուրս եկավ հենացատկի եզրափակիչ: Արթուր Դավթյանը վաստակեց 14.416 միավոր և գրավեց 5-րդ տեղը: Առաջին ցատկի գնահատականը 15.100 էր: Երկրորդ ցատկի ժամանակ ցատկի բարդությունը փոխվեց: Մրցավարները գնահատեցին 13.733 միավոր: Մինչ այս պահը Տոկիոյի Օլիմպիական խաղերի բրոնզե մեդալակիրը թիմակիցների հետ սպասում էր վերջնական արդյունքներին, քանի որ մտավախություն ուներ, թե եզրափակիչ դուրս չէր գա: Եվրոպայի առաջնության եզրափակիչ դուրս եկան նաեւ Գագիկ Խաչիկյանը և Արթուր Ավետիսյանը: Գագիկ Խաչիկյանը նժույզ թափեր վարժության որակավորման փուլում գրավեց 6-րդ տեղը՝ 14.600 միավոր, Արթուր Ավետիսյանը օղակների վարժության որակավորման 7-րդ տեղում է՝ 14.633 միավոր:

Միջոցառումներ

ԳԻՄԱՔԱՆԳԱԿՆԵՐԻ ԻՆՏԵՐԱԿՏԻՎ ՑՈՒՑԱՀԱՆԳԵՍ

Այսօր՝ ապրիլի 26-ին՝ ժամը 19:00-ին, Two Arcs-ում տեղի կունենա քանդակագործ Մկրտիչ Մազմանյանի՝ Շառլ Ազնավուրին նվիրված դիմաքանդակների ինտերակտիվ ցուցահանդեսը:

Բացման օրը արվեստասերներին կներկայացվի նաեւ Մազմանյանի ստեղծագործական ուղուն նվիրված պատկերագիրը:

Ցուցահանդեսն իրականացվում է Շառլ Ազնավուրի ծննդյան 100-ամյակին նվիրված հրեյանական միջոցառումների շրջանակում:

Միջոցառման հիմքում ընկած է Շառլ Ազնավուրին հարգանքի տուրք մատուցելու, մարդկանց տված իր հսկայական երաժշտական և հոգեւոր ժառանգությունը գնահատելու գաղափարը:

ԻԼՅԱ ՌԱՄԼԱՎԸ՝ ՀԱՅԱՍՏԱՆՈՒՄ

Հայաստանում համերգով հանդես կգա վիրտուոզ դաշնակահար Իլյա Ռամլավը: Դաշնամուրային մենահամերգը տեղի կունենա ապրիլ 30-ին՝ ժամը 19:00-ին «Առնո Բաբաջանյան» համերգասրահում:

Ռամլավը հանրության ուշադրության առանցքում է հայտնվել 2018 թվականին կայացած հեղինակավոր համառոտական երաժշտական մրցույթում հաղթելուց հե-

տո: Այդ հաղթանակից հետո սկսվել է նրա երաժշտական ճանապարհորդությունը՝ ընդգրկելով Եվրոպայի Նյու Յորքում, Սան Պաուլոյում, Փարիզում և Բուենոս Այրեսում:

Իլյա Ռամլավը հաճախ հանդես է գալիս որպես մենակատար աշխարհի տարբեր երկրներում, Եվրոպայի և ունենում հյուրախաղերով: Արգենտինայում, Շվեյցարիայում, Ֆրանսիայում կայացած միջազգային մրցույթների դափնեկիր է: Եվրոպա է ունեցել Շվեյցարիայի, Ռուսաստանի, Արգենտինայի, Ուրուգվայի և ԱՄՆ մի շարք հեղինակավոր նվագախմբերի հետ:

Նրա կատարումների տեսագրություններն ու ձայնագրությունները ներկայացվել են մի շարք հեռուստատարիքներով և ռադիոներով:

● Ապրիլի 26-ին՝ ժամը 19:00-ին, Հ. Ղափլանյանի անվան դրամատիկական թատրոնում կցուցադրվի «Մեծ լռություն» ներկայացումը: Տոմսերի արժեքը՝ 2000-3000 դրամ:



ՖԻՆԱՆՍՆԵՐ

ՀԱՐՑ. Ո՞ր դեղին է ՖՆ գանձադեռական հաշվին փոխանցում կատարվում եւ ի՞նչ փաստաթղթեր ֆադաբացին կարող է ներկայացնել խնդիր ԵՏԿԵՐՈՒ համար:

Սարգիս Ավանեսյան (44 տարեկան)



ՊԱՏԱՍԽԱՆ. Հարկերի միասնական հաշվին վճարված, սակայն ՀՎՀՀ-ն Նշված չլինելու կամ սխալ դաշտում Նշված լինելու պատճառով հաշվին չմուտքագրված գումարները ճիշտ ՀՎՀՀ-ով հաշվին մուտքագրելու նպատակով վճարողը ՀՀ ֆինանսների նախարարություն ներկայացնում է դիմում՝ Նշելով վճարման տվյալները/վճարված գումարը, վճարման ամսաթիվը/ եւ ճիշտ ՀՎՀՀ-ն, որով ենթակա է գումարը մուտքագրման հարկերի միասնական հաշվին, դիմումին կից ներկայացվում է վճարումը հավաստող փաստաթղթի պատճենը:

ՀՀ ֆինանսների նախարարություն

«ԺՐՈՎՈՒՐԳ». Օրինակ՝ կից ներկայացնելով օօ/աա/տտ թ.-ի N վճարման անդորրագրի պատճենը՝ հայտնում եմ, որ կատարել եմ օօ/աա/տտ թ.-ին x գումար վճարում 900008000490 հարկերի միասնական հաշվին: Հարկատուի ՀՎՀՀ-ն Նշված չլինելու պատճառով /կամ սխալ դաշտում Նշված լինելու պատճառով/ գումարը հաշվին չի մուտքագրվել: Խնդրում եմ x գումարը մուտքագրել 900008000490 հարկերի միասնական հաշվին՝ XXXXXXXX ՀՎՀՀ-ով:

ԻՐԱՎՈՒՆՔ

ՀԱՐՑ. Ինչպե՞ս է իրականացվում իրավունքների փոխանցումը եւ օգտագործման թույլտվությունը :
Անահիտ Համբարձումյան (32 տարեկան)



ՊԱՏԱՍԽԱՆ. Ստեղծագործության նկատմամբ գույքային իրավունքները հեղինակի կողմից կարող են ամբողջությամբ կամ մասնակիորեն փոխանցվել (զիջվել) երրորդ անձանց կամ նրանց տրամադրվել օգտագործման թույլտվություն (լիցենզիա)՝ հեղինակի եւ նրանց միջև կնքված համապատասխանաբար՝ գիշման կամ լիցենզային (այսուհետ նաեւ՝ հեղինակային) պայմանագրի հիման վրա, եթե այլ բան նախատեսված չէ օրենքով:

Հեղինակային պայմանագիրը կնքվում է գրավոր ձևով, որն էլ հանդիսանում է կողմերի երաշխիքը, քանի որ տվյալ պայմանագրով կարգավորվում են կողմերի իրավունքներն ու պարտականությունները, որոնք վերաբերում են ստեղծագործության օգտագործմանը:

Մտավոր սեփականության գրասենյակ

«ԺՐՈՎՈՒՐԳ». Պայմանագրի կողմը, որի իրավունքներն ու օրինական շահերը խախտվել են, կարող է դատարանի միջոցով պահանջել իր իրավունքների հարկադիր իրականացում:

Էջը՝ ԱՆՎԱՐԴ ԿՈՇԿԱԿԱՐՅԱՆԻ

ԼՈՒՐ ԿԱԴՐ

Լուսանկարը՝ «Ժողովուրդ» օրաթերթի



Հայրենասիրությունը տարիք չի ճանաչում: Անգամ այնպիսի փոքրիկ դետալով, ինչպիսին Արցախի դրոշն է մանկասայլակի վրա, փոքրիկը մասնակցում է Ջահերով երթին:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել Նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	+ 6 + 9 +23 + 27	Արարատ	+13 + 15 +30 + 33
Կոտայքի լեռներ	+ 6 + 9 +23 + 25	Արմավիր	+11 + 13 +30 + 32
Կոտայքի նախալեռներ	+11 + 13 +24 + 28	Վայոց ձորի լեռներ	+ 5 + 8 +22 + 24
Գեղարքունիք	+ 4 + 8 +21 + 24	Վայոց ձորի նախալեռներ	+12 + 14 +30 + 32
Լոռի	+ 6 + 10 +24 + 27	Սյունիքի հովիտներ	+13 + 16 +29 + 32
Տավուշ	+10 + 15 +26 + 29	Սյունիքի նախալեռներ	+ 7 + 11 +23 + 26
Արագածոտնի լեռներ	+ 6 + 8 +22 + 24	ԼՂՀ	+ 7 + 10 +22 + 25
Արագածոտնի նախալեռներ	+10 + 14 +24 + 29	Երեւան	+11 + 13 +26 + 29

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22^ա/3, հեռ՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 25.4.2024

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
խմբագրություն հանձնված նյութերը չեն գրայնաչափում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: